



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	HARIAN METRO			
TARIKH	:	26/6/2021	MUKA SURAT	:	21
JABATAN	:	PERHILITAN			



PERHILITAN merampas 23 burung dari spesies yang dilindungi di sebuah rumah di Taman Bestari Indah, Ulu Tiram.

Perhilitan selamatkan 23 burung dilindungi

Johor Bahru: Jabatan Perlindungan Hidupan Liar dan Taman Negara (Perhilitan) Johor berjaya menyelamatkan 23 burung yang dilindungi dalam operasi pemeriksaan penguatkuasaan hidupan liar di sebuah rumah di Taman Bestari Indah, Ulu Tiram di sini, kelmarin.

Pengarahnya, Salman Saaban berkata dalam operasi jam 10.30 malam itu, semua burung pelbagai spesies ditemui disimpan oleh

lelaki berusia 47 tahun tanpa kebenaran.

Katanya hasil pemeriksaan premis, menemui 11 burung bayan nuri, sepuluh burung bayan serindit, serta masing-masing seekor burung bayan puling dan burung murai batu.

"Semua spesies burung ini dilindungi di bawah Akta Pemuliharaan Hi-

dupan Liar 2010 (Akta 716).

"Selepas diperiksa mendapati pemilik premis seorang lelaki berusia 47 tahun tidak mempunyai sebarang dokumen yang sah untuk menyimpan semua spesies burung itu. Semua burung itu disita termasuk

telefon bimbit untuk siasatan lanjut.

"Nilai hasil sitaan adalah

lebih kurang RM9,500. Laporan polis dibuat di Balai Polis Ulu Tiram dan orang yang disyaki dilepaskan dengan jaminan polis. Manakala sesemua barang kes dibawa ke Pejabat Perhilitan Daerah Kluang untuk tindakan selanjutnya," katanya di sini, semalam.

Kes akan disiasat di bawah Seksyen 60 dan Seksyen 68 Akta Pemuliharaan Hidupan Liar 2010 (Akta 716).

Nilai hasil sitaan adalah lebih kurang RM9,500